

琴

學

## 琴學例說

樂必備八音。而八音中絲爲君。絲之中文以琴爲君。良以琴之用。具十二宮之還轉。一器而全樂之理該焉。故爲君子所常御。定律之法在是。涵養德性亦在是。三代而降。古樂散亡。器則猶存。而記傳所載說琴者固多。求其能得聲律自然之應。與夫微弦制作之原者。竟不一覩。是何也。論律者。空言其理而不能施於用。以指法授受者。能施於用而不復究其理。於是往往相左。其沒古聖人造器協律之精意。蓋亦久矣。庭棟

少時嘗學操縵。竊識清濁。迨後尋繹律書。歷考漢唐來論者。糾紛卒無定法。惟西山蔡氏能揆其本。著爲新書。而亦未施於用。爰不揣聾聵。憑器審聲。竊撰琴學。凡二十有二篇。爲內篇。以律合琴。卽以琴證律。而知正律之外。必有變律。還宮五聲。必取半律。實出於琴聲清濁之自然。而與蔡氏新書有互相發明者。若夫以十分定半律。以九寸爲虛數。則與蔡氏之說。微有不符焉。至於取應。必兼三節。定徽俱出。均分制弦。則巨細同歸。律位則寸分各具。似此之類。固爲新書。

所未備。亦漢唐以來諸儒所未論及者也。又外篇有四。薈萃古今琴說。妄以已意按其是非。非敢譏議前人。蓋不如是無以明其理之必然。與其用之變化。方今學士大夫幸生

盛世。正空調聲均律。以應庥和。琴雖一器具。十二宮之還轉。足以涵養德性。爲君子所常御者。其所係尤切而要也。以庭棟之管窺蠡測。縱不獲遠追古樂之遺。而於古聖人造器協律之精意。庶幾闡明其萬一。誠使憑器以求。因其自然之聲。合乎一定之律。則得其理而兼得其用。所謂

今樂猶古樂。不可舉一琴以概其全也哉。

乾隆十五年中秋節嘉善曹庭棟識

琴學

內篇目

明律第一

十二律圖

上下相生圖

明聲第二

五聲圖

變律第三

正生變圖

半律第四

半律圖

還宮第五

還宮用律圖

取應第六

定聲第七

審度第八

制弦第九

定徽第十

六分三折圖

辨徽第十一

徵汎同聲圖

原徵第十二

均分極數圖

均分備數圖

定弦第十三

始宮窮角圖

律位第十四

律位圖

弦律取用圖

聲位第十五



聲位圖

辨變第十六

汎律第十七

汎律全圖

原汎第十八

三分同節圖

立調第十九

五調統十二宮圖

分調第二十

六十調圖

調弦第二十一

相生流轉圖

譜解第二十二

以上內篇目終

外篇目

論弦第一

論徽第二

論律第三

論調第四

以上外篇目終

琴學內篇

曹庭棟撰

明律第一

琴學之道。其要在律。律也者。聲之清濁所由準也。聖人本陰陽。審氣候。以辨清濁。而不能文載。口傳。於是截竹爲管而吹之。長者聲濁。短者聲清。而清濁分。而其長短之數。又無可取則。於是設爲三分損益。下生上生之法。以定十二律。琴之弦。長短均齊。按弦則以按之上下爲準。散聲卽以弦之緩急爲準。與管律同律之名。曰子黃鐘。寅太簇。辰姑洗。午蕤賓。申夷則。戌無射。六者爲陽律。丑大呂。卯夾鐘。己仲呂。未林鐘。酉

南呂。亥應鐘。六者爲陰律。配十二辰。應十二月者也。又曰。陽爲律。陰爲呂。又曰。六律。陽可統陰也。律管長短之數。自子黃鐘始。聲爲陽。子爲陽氣之初。陽數九。故黃鐘之長九寸。其分釐毫絲數皆用九。九絲爲毫。九毫爲釐。九釐爲分。九分爲寸。以此三分爲損益而上下相生焉。下生者。長管生短管。上生者。短管生長管。皆三分本律之管。下生則損其三分之一。上生則益其三分之一。如黃鐘九寸之管。分作三分。每分得三寸。損其三寸。合成六寸。爲林鐘之管。謂之下生。林鐘六寸之管。分作三分。每分得二寸。益其二寸。合成

八寸爲太簇之管。謂之上生。上下生之法例此。太簇下生南呂。南呂上生姑洗。姑洗下生應鐘。應鐘上生蕤賓。蕤賓重上生大呂。大呂下生夷則。夷則上生夾鐘。夾鐘下生無射。無射上生仲呂。凡聲爲陽。仲呂當陽極之月。且其管所得寸分釐毫絲之外。獨餘六忽。十二律卽於是終焉。夫陽律當下生。陰呂當上生。蕤賓陽律而重上生者。何也。蓋十一月黃鐘爲陽。十二月大呂爲陰。正月太簇爲陽。二月夾鐘爲陰。一陰一陽相閒而配十二月者。此定位之陰陽也。若十一月黃鐘爲一陽方生。則大呂太簇夾鐘姑洗仲呂皆當

陽生之月。則皆屬陽。五月蕤賓爲一陰方生。則林鐘夷則南呂無射應鐘。皆當陰生之月。則皆屬陰。乃二氣之一大闔闢。此流行之陰陽也。律呂相生。爲陰陽流行之用。其自黃鐘上下相生。以至應鐘。皆律下生呂。呂上生律者。律當陽之陽。呂當陰之陰。適合陰陽之用。若蕤賓爲陽。當陰生之月。則爲陽之陰。夷無二律亦然。大呂爲陰。當陽生之月。則爲陰之陽。夾仲二呂亦然。故律之生呂。反上生。呂之生律。反下生。而其所生之管。從子至亥。適得自長而短。依次相比。若陽律皆下生。陰呂皆上生。則子月黃鐘管長九寸。丑月


大呂管長四寸有奇。其長短不大懸絕乎。所以蕤賓重上生大呂。乃陰陽流行自然之妙用。而爲制律之定則也。若史記律書生鐘分。謂子一分。丑三分。寅九分。以三歷十二辰。至亥得一十七萬七千一百四十七分。爲黃鐘之實。而寸分釐毫絲之法。寸分釐毫絲之數。皆寓焉。此爲律本。三分相生之法。所由起也。又如漢書律歷志云。自黃鐘始而左旋。八八爲伍。謂凡十二律相生。皆隔八位。夫律生於三。則成於八。乃陽生陰。成自然之數也。按三八生成爲木之數。聲始於東方震位。震屬木。故律之生成符焉。要而言之。其長

短之序。則曰黃大太夾姑仲蕤林夷南無應。凡歷十二月而一周。子月復歸黃鐘者。窮上反下之道也。其相生之序。則曰黃林太南姑應蕤大夷夾無仲。陽律之管當其月。故不易其位。陰呂之管不當其月。則互易而居其衝。如丑衝未。林鐘未而居丑。大呂丑而居未。居其衝也。陽爲之主。而陰爲之役也。此十二律之正也。管如是。弦亦如是。無以異也。




# 十二律圖

應鐘	無射	南呂	夷則	林鐘	蕤賓	仲呂	姑洗	夾鐘	太簇	大呂	黃鐘
分六寸六釐	四寸八分八釐	三寸五分	五寸五分	六寸二分	六寸二分	六寸五分八釐	七寸四分三釐	七寸四分三釐	八寸三分	八寸三分	九寸



上下相生圖



## 明聲第二

律有十二。聲各不同。及至用時。以五聲爲主。五聲之名。曰宮徵商羽角。宮數八十一。九九之數也。三分損一下生徵。得五十四。六九之數也。徵三分益一上生商。得七十一。八九之數也。商三分損一下生羽。得四十八。六八之數也。羽三分益一上生角。得六十四。八八之數也。聲之數。始於九九。終於八八。故至角聲之數。以三分之。不盡一算。聲之所以止於五也。如黃鐘爲宮。則林鐘爲徵。太簇爲商。南呂爲羽。姑洗爲角。以遞生而得是也。若林鐘爲宮。則太簇爲徵。南呂爲商。

姑洗爲羽。應鐘爲角。十二律迭相爲宮。卽迭相爲徵。商羽角。非黃鐘定爲宮。林鐘定爲徵也。此五聲之正。定弦用律之法也。更有變宮變徵二聲。卽自角之數而下生。其三分不盡之一算。亦函九數。更三分之爲小分。如角數六十四。三分損一下生變宮。得數四十二。其一算又小分得六也。變宮三分益一上生變徵。得數五十六。又小分得八也。自此再三分之。小分又不盡二算。變聲所以止於二也。二變自角而生。故黃鐘之宮。姑洗爲角。卽以應鐘爲變宮。蕤賓爲變徵。五聲加二變。左氏所謂七音是也。原二變之由來。以宮

與商。商與角。徵與羽。相隔皆一律。則音節近。角與徵。羽與宮。相隔乃二律。則音節遠。如黃宮與太商。中隔大呂一律之類。姑角與林徵。中隔仲蕤二律之類。故宮羽之間有變宮。角徵之間有變徵。古人謂之和繆。和者。黃鐘爲宮。姑洗生應。鐘變宮。在南呂羽之後。比於正音。故曰和。繆者。應鐘生蕤賓。變徵。閒入正音。角羽之間。不比於正音。故曰繆。以相生次序而言。自宮而徵。而商。而羽。而角。而變宮。而變徵。以聲清濁次序而言。最濁曰宮。次濁曰商。清濁之中曰角。微濁而近乎清曰變徵。純清曰徵。最清曰羽。極清而近乎最濁

之半。曰變宮。最濁之半者。宮之半也。凡律或倍或半。同是此聲。如黃宮九寸。而應鐘四寸六分六釐。近乎宮之半。故爲變宮。譬有七人於此。其五人之長幼。各以一歲爲差。其二人與五人中有歲同而月異者。變宮變徵之謂也。琴之定弦。止用五聲。不用二變。蓋以五聲者。諸聲之綱。高下次第。秩然不相混。故可用爲散聲以定弦。二變之聲。近乎宮而非宮。近乎徵而非徵。第可濟五聲之不及而已。按木以取其聲。固在五聲立而七聲隨之。亦自然之應也。或疑律有寸分之數。所以定管長短。若宮數八十一。徵數五十四者。又

將焉用也。此正以見五聲次第亦必以損益相生立法。而後洪纖高下無相奪倫焉。或又疑宮數八十一。徵數五十四者。特黃鐘之均以八十一分爲宮數。適合九寸之黃鐘。五十四分爲徵數。適合六寸之林鐘。與他均似不相合。不知九寸六寸者。律呂之定體。而五聲之數。迭相爲用。凡十二律爲宮之弦。各具八十分。爲徵之弦。各具五十四分。爲商羽角之弦。皆各具其本聲之分。按分而求。則知律有律之分。聲有聲之分。同備於一弦中。得其應得之聲數。卽得其應得之律數。交相爲用。而互可取證者也。

五聲圖

羽	徵	角	商	宮
四十八	五十四	六十四	七十二	八十一





### 變律第三

論律者皆以十二律爲循環相生。不知損益之數遞生則遞降。仲呂再生。非復黃鐘之正。乃黃鐘之變律也。變律者。其律近正而少短於正律。漢京房衍之爲六十律。而別易其名。以仲呂上生。謂之執始。執始下生去減。上下相生。終於南事。而畢六十。錢樂之因京房南事之餘。引而伸之。更爲三百律。終於安運。合爲三百六十律。日當一律。凡此特推而盡其極耳。以十二宮言之。自仲呂本律之數三分上生。爲黃鐘變律。黃變下生。爲林鐘變律。林變上生。爲太簇變律。太變

下生爲南呂變律。琴律所生止此四變律。亦因十二宮至仲呂而終。仲呂爲宮所用惟徵商羽角四聲。則所生惟黃林太南四變律。四變十二正。共十六律。十六者三分十二而益其一。得二八之數者也。至於黃大兩變律。於五聲之正亦無所用。止用其變半律。然必先得變律之全。而後可得變律之半。苟由是以上下相生之法。推盡其極。三百六十律皆可遞生得其數。第愈生節愈短。數卽可通。聲豈盡可用哉。夫律有十二。以應十二月。本屬循環。非今之子月爲黃鐘。後之子月爲黃變也。猶天有十二辰。辰各有宮度。固亘

古不易者。若律呂相生。所以爲五聲之用。則必有變律。猶天行有歲差。隨時屢易而無定位。蓋不易者其體。屢易者其用也。體則不易。而用有終窮。故聲自至大。以至至細。自至細以至無聲。而聲之用盡矣。

# 正生變圖

黃變

八寸七分八釐  
一毫六絲二忽

林變

五寸八分二釐四  
毫一絲一忽三初

太變

七寸八分二毫  
四絲四忽七初

南變

五寸二分三釐一  
毫六絲一初六秒



#### 半律第四

正律變律之外。又有正半律。變半律。以爲五聲之用。半者。就正變律數。平分取其半。謂之半聲。亦曰子聲。但正律變律。寸分釐毫。數俱用九。所以便於三分損益。無分而不盡之算。若半律仍用九數。有平分而不盡者。如黃鐘九寸。以九分爲寸法。平分得四寸四分四釐四毫四絲零。其零數分之而不盡。蔡氏新書以爲黃鐘半無。蓋亦窮於算矣。如謂黃鐘正律之半。五聲中所不用。故無實數。然則林鐘正律之半。亦五聲中所不用。何以有三寸之實數哉。琴律有半聲定位。

自有半律實數。當就九分爲寸之正律。改作十分。釐毫絲忽。數亦用十。然後半之。則有實數可紀。無分而不盡之算。且琴之有半律也。正變全律。半之爲二之一。又有半之爲四之一。又有半之爲八之一。而六七兩弦。更有半之爲十六之一。必以十分爲寸法。始得實數。在按弦者。自毫絲以下。縱非目力所能分。然既有其數。而或一算之差。則於法終未合也。或謂一寸中。忽爲九分。忽爲十分。得毋勉強牽合。非自然定數乎。不知九者。夫數之極。三分用九。而無奇零。有參天之義焉。十者。地數之極。折半用十。而無奇零。有兩地

之義焉。且河圖數十。十者對待以立體。洛書數九。九者流行以致用。圖與書亦相表裏。故一寸中九十互用。正陰陽奇耦錯綜而成變化也。九峯蔡氏曰。象非耦不立。數非奇不行。以數爲象。則奇零而無用。以象爲數。則多耦而難通。此之謂也。至於半聲之外。又有倍聲。倍聲者。非黃鐘九寸。倍其律爲一尺八寸。林鐘六寸。倍其律爲一尺二寸也。五聲以當用者爲正。故有全律之半。當用卽謂之正。以當用之半。視不當用之全。卽曰倍矣。夫一畫生兩儀。兩儀生四象。四象生八卦。皆其倍焉者也。易以三倍成卦。琴以三倍定徽。

三倍定徵者。自全律一倍爲半律。二倍爲再半律。三倍爲再再半律也。亦可見象以耦立也。而所用惟全律。半律。再半律。三者各具五聲。三其五聲。卽天地之生數十有五也。亦可見數以奇行也。



半律圖

黃鐘

半 四寸五分

再半 二寸二分五釐

大呂

半 四寸一分八釐八毫

再半 二寸九釐四毫

太簇

半 四寸

再半 二寸

夾鐘

半 三寸七分一釐八毫六絲五忽

再半 一寸八分五釐九毫三絲二忽五初

姑洗

半 三寸五分五釐

再半 一寸七分七釐五毫

仲呂

半 三寸二分九釐一毫七絲三忽

再半 一寸六分四釐五毫八絲六忽五初

蕤賓

半 三寸一分四釐

再半 一寸五分七釐

林鐘

半 三寸

再半 一寸五分

夷則

半 二寸七分七釐五毫五絲

再半 一寸三分八釐七毫七絲五忽

南呂

半 二寸六分五釐

再半 一寸三分二釐五毫

無射

半 二寸四分四釐二毫四絲

再半 一寸二分二釐一毫二絲

應鐘

半 二寸三分三釐

再半 一寸一分六釐五毫

黃變

半 四寸三分九釐八絲一忽

再半 二寸一分九釐五毫四絲五初

太變

半 三寸九分一毫二絲二忽三初五秒

再半 一寸九分五釐六絲一忽一初七秒五沙

林變

半 二寸九分一釐二毫五忽六初五秒

再半 一寸四分五釐六毫二忽八初二秒五沙

南變

半 二寸六分一釐五毫八絲八秒

再半 一寸三分七毫九絲四秒

## 還宮第五

宮商角徵羽。高下之序也。宮徵商羽角。相生之序也。十二律還相爲宮者。十二律皆可爲宮。以相生之序。順而推之。爲徵商羽角。仲呂以後。則用變律也。如黃鐘爲宮。則林鐘徵。太簇商。南呂羽。姑洗角。是也。此五聲俱正律。還宮俱得正律者。惟黃大太三宮。天開於子。應子月之氣者。黃鐘也。地闢於丑。應丑月之氣者。大呂也。人生於寅。應寅月之氣者。太簇也。所以三宮之五聲俱正律。三宮而外。有用半律者。良由五聲高下。其序一定。而還宮所及。律有當短者反長。則聲有

當高者反下。惟用半律。其聲始合。以相生而論。當上生者。轉而下生。其數亦相符。如林鐘六寸。本爲三分益一。上生太簇八寸。若林鐘爲宮。以太簇爲徵。徵當短於宮。轉而三分損一。得太簇半律四寸爲林鐘之徵。是也。且夫以弦考之。諸弦之律。各自爲宮。宮當下生以爲本弦之徵。如林鐘弦。旣以散聲爲宮。欲上生太簇爲徵。亦不可得。必轉上生爲下生。得太簇之半律爲徵。此自然之理。卽寓於弦者也。半律而外。更用變律。自仲呂再生黃變。黃變生林變。林變生太變。太變生南變。皆較正律稍減分寸。以和五聲。其有當短

反長者亦用變之半。則高下各得其序。凡夷夾無仲四律爲宮。所必用及者也。若不用變。則夷則爲宮。猶用黃正爲角。夾鐘爲宮。猶用黃正爲羽。高下必不得其和。卽用其正之半。終不由三分損益中來。仍有毫釐千里之謬。所以必用及乎變也。其在禮運曰。五聲六律十二管。還相爲宮。亦謂宮無定位。十二管皆可爲宮聲而已。故第曰。還相爲宮。不曰。還相爲宮徵商羽角也。蓋十二律爲經。五聲爲緯。非十二律。則五聲無所麗而不能正。非五聲。則十二律無所節而不能和。故正律之外。必用半律。更用變律。變半律。而後能

盡還宮五聲之用。如謂止此十二管已盡合五聲。則順取五律以爲用可矣。何必更立宮徵商羽角之名哉。禮運所言蓋舉其大綱。不析其細目耳。統還宮五聲之目計之。正律十二。律呂之全也。半律七。太姑蕤大夷夾仲是也。變律二。林南是也。變半律三。黃林太是也。凡二十有四聲。二十有四者。律呂之倍也。

還宮用律圖

蕤宮 律正	應宮 律正	姑宮 律正	南宮 律正	太宮 律正	林宮 律正	黃宮 律正
大徵 律半	蕤徵 律半	應徵 律正	姑徵 律半	南徵 律正	太徵 律半	林徵 律正
夷商 律正	大商 律半	蕤商 律正	應商 律正	姑商 律正	南商 律正	太商 律正
夾羽 律半	夷羽 律半	大羽 律半	蕤羽 律半	應羽 律正	姑羽 律半	南羽 律正
無角 律正	夾角 律半	夷角 律正	大角 律半	蕤角 律正	應角 律正	姑角 律正

天長

內篇五

三

仲宮 律正	無宮 律正	夾宮 律正	夷宮 律正	大宮 律正
黃徵 半變	仲徵 律半	無徵 律正	夾徵 律半	夷徵 律正
林商 律變	黃商 半變	仲商 律正	無商 律正	夾商 律正
太羽 半變	林羽 半變	黃羽 半變	仲羽 律半	無羽 律正
南角 律變	太角 半變	林角 律變	黃角 半變	仲角 律正



## 取應第六

正律之外。半律及變律。變半律。有當用。有不當用。當用者。還宮所及。不當用者。還宮所不及。琴調用聲之法。當用者爲主。不當用者。仍用爲應。蓋正律與半律。同是此聲而相應。變律與變半律。亦同是此聲而相應。如黃鐘用正律。不用半律。但半律卽是黃鐘。故黃鐘爲宮。亦用半律也。又如黃鐘不用變律。止用變半律。但黃鐘變律之半。卽是黃鐘變律之全。故用半亦必用全也。用其全者。以半應。用其半者。以全應。而後高下相得。如貫珠焉。此琴調用聲之法也。傳曰。若琴

瑟之專壹。誰能聽之。專壹者。謂無相應者也。考相應之節。降殺不過乎三。一調中所用者。全律。半律。及再半律而止。由再半律而更半之。雖同是此律。與全律相應已遙。仍無取焉。此亦聲音自然之節。不假勉強。試以人聲證之。凡起一調。其音出於喉而抑揚流轉。閒亦止有此三者之降殺。斷無過焉者。夫易以二其三爲六爻。歲以四其三爲十二月。陰陽之數。皆以三爲節。三三而九。故黃鐘九寸之數立焉。三分損益。而十一律胥於是乎受裁焉。此降殺之節。所以亦不過乎三也。

## 定聲第七

黃鐘者。聲之始也。能定黃鐘一聲。諸聲皆得而定矣。管與弦同律。弦之聲。吹管定之可也。黃鐘管長九寸。所謂九寸者。於何取準。漢書曰。以子穀秬黍中者。一黍之廣。度之九十分。黃鐘之長。一爲一分。後儒以爲歲有豐凶。地有肥瘠。黍之中者亦不同。且縱置則太長。橫置則太短。以何者爲準乎。蔡邕月令章句有候氣之說。制十二律管。實以葭灰。埋之地中。冬至則黃鐘之管氣應灰飛。但九寸旣無可取準。則所埋之管長短又何似乎。所以蔡氏新書有云。且多截管以埋。

之。取其冬至氣應者。定爲黃鐘。設法非不甚巧。然使其法果驗。竟可如法而得黃鐘。何自宋以來。論者更紛紛而鮮確據。蓋候氣之必難取應明矣。愚謂天地閒聲大如雷霆。以至聲小如螭螻。其閒等差奚翅什百。所謂九寸之黃鐘。不知居於何等。原夫樂之作也。本於歌。書云。聲依永是也。然則人聲卽是起律之由。清濁卽爲定律之準。取其最濁一聲。謂之九寸之黃鐘而已。夫以天壤之大。人類之衆。所謂最濁一聲者。亦舉其大凡。若究極乎人聲之變。最濁之外。豈無更濁者在。故九寸之度。必當得幾何長短。無纖毫之差。

自古來無是法。亦無是理。在當日制律之始。亦第曰。聽鳳凰之鳴。截竹爲管。以協之。定爲黃鐘之宮。今又安得鳳凰之鳴。聽而協之哉。且縱得鳳凰之鳴。聽而協之。安知其聲之高下。不異於古哉。然而九寸爲黃鐘之數。十一律由此而生。固定法也。故卽以意約揣。截竹爲管。謂之九寸。其視制律之始。未知何如。自可。以生十一律。各得清濁之次。良由所謂九寸者。虛數耳。今欲執虛數以求實度。雖議論繁多。宜無從得其確據矣。是以定聲之道。惟就人聲洪亮者爲主。以管協之。其最濁一聲爲黃鐘。定爲九寸。用九分寸法。或

竹或銅。依損益相生。制爲十二律管。又準黃鐘之長。用十分寸法。十取其一。得九分。以爲管之空圍。九爲寸法者。數之所由行。十爲寸法者。象之所由立。管之空圍。十二律皆同。所以立其象也。故十其廣之分以爲長。十一其長之分以爲廣也。管口開半竅以作吹孔。欲用某宮。吹某律以定宮弦。而徵商羽角之弦。卽可由宮弦遞生矣。考唐人定弦。取俗樂笙管之合字。定一弦爲黃鐘。法似簡便。但唐宋以來燕樂譜。皆用仲呂爲宮。則以合字定黃鐘者。乃黃鐘變律。而爲仲呂徵聲之倍也。審音者。自能辨之。

## 審度第八

制琴者有長短之度。史記樂書謂琴長八尺一寸。廣雅謂琴長三尺六寸六分。但度卽生於黃鐘之長。黃鐘九寸。旣無可取準。則八尺一寸。三尺六寸六分。其長短果何似耶。且古來算律者。諸家各異其說。以黃鐘爲九寸。每寸十分者。京房律准及後漢志也。以黃鐘爲八十一分。作八寸一分。不作九寸者。史記淮南子及晉宋二書也。以黃鐘八十一分爲九寸。每寸九分者。周禮疏及律呂新書也。考虞書言同律度量衡。不過假黃鐘之長。以爲自然之度。則九寸爲律者。此

黃鐘之長十寸爲尺者卽此黃鐘之長。如必增加分寸而後爲尺。亦殊失其自然矣。且夫九分之寸。既可作爲十分。則九寸之律。何獨不可作爲十寸之尺乎。故鄭氏謂八十一分之律。縱黍爲之。百分之尺。橫黍爲之。黃鐘之度。未有改也。然縱黍橫黍。亦僅約畧言之。天之生物。理難均一。古人立法。存其大槩爾。至若隋志所載歷代尺度。凡十有五等。長短更爲雜出。與黃鐘之九寸何與。與琴度之長短。又何涉乎。愚謂度者。實象尺寸者。虛函其數於實象中者也。所以黃鐘九寸。必難取準。第謂之曰九寸而已矣。有琴於此。亦



不必計其長短何似。命之曰八尺一寸可也。命之曰三尺六寸六分可也。以琴必有徽。徽必有汎聲。獨能不差毫髮者。實象之中。卽有定數存焉。物生於天地。莫不與天地之數相應。長者具此數。短者亦具此數。所謂體物不遺者。此也。特是制器者。貴在適人之用。故琴度長短。惟審乎左右手取聲之便。則清濁自得其中。太長聲慢。太短聲促。其不適於用可知。苟拘泥分寸。較量纖毫長短。閒以爲琴有一定之度在。亦膠固鮮通矣。然則所謂十二律管應十二月之氣。又何也在律爲聲。在歷爲氣。故律歷同起冬至。二者之相

合本無實跡可見。儻必謂飛灰可以驗管。月令所云律中黃鐘。律中太簇者。獨指管而言。則八音中惟管能應氣矣。不知氣者。候也。陰陽以升降爲候。律以清濁爲候。管能應。弦亦能應。隨乎琴度長短。以弦緩急準之。氣不頓進。律不獨成。由濁而清。有十二律之候。與十二月之候。默相契合焉。若夫琴之太長太短者。未始無十二候。特不得中聲耳。總之適於用。卽得中聲。先王所以因人制器。人之所以能與天地相應也。

## 制弦第九

律管圍徑皆同。琴弦巨細定一。其有不同。曷故。不知弦之巨細不同者。正其所以巨細皆同也。蓋律管長短有實象。琴則七弦均齊。其律之分寸在緩急。苟不別巨細。止以緩急定之。聲亦未始不相應。特未能各得其所受之量。聲雖應而不諧。必以巨細別之。而後至和之聲出焉。制弦之法。黃鐘九寸。其數八十一。三因之。共二百四十三絲。爲黃鐘弦。諸律弦絲之數。由黃鐘弦三分損益以定。巨細自各不同。然衡其巨細之量。十二律弦仍無不同。假如黃鐘九寸。絲數九。弦

長九尺。林鐘六寸。絲數六。弦當長六尺。而亦得九尺。則餘三尺。若截其所餘三尺之絲數。歸併六尺內。則林鐘之長六尺。與黃鐘之長九尺。巨細仍同。所謂各得其所受之量。與十二管圍徑皆同。若合一轍也。若夫律有十二。弦僅有七。第以黃鐘絲數爲第一弦宮。太簇絲數爲第二弦商。以爲轉軫便可換調。終不盡合當用之律。必依正變半律之數。俱制爲弦。隨調更張之。然後長短之數。各得其所受之量。巨細無纖毫不同矣。

定徽第十

琴之徽凡十有三。所以爲十二律取聲之準。猶列宿在天。爲日月五星之躔度。其分布參差。相去遠近不一。汎弦求其聲。當徽則鏗然鳴。不當徽則否。確有自然之定數。愚嘗深思其故。而知徽之所以參差分布者。隱寓長短均齊之節。洪範皇極所謂合之而知其異。析之而知其同者也。總計之。有均分之數六。有折半之數三。不爽毫髮焉。就一琴之長而論。全弦散聲數之一也。二分之爲七徽之位。三分之爲五徽九徽之位。四分之爲四徽十徽七徽之位。五分之爲三徽

六徽八徽十一徽之位。六分之爲二徽五徽七徽九徽十二徽之位。分數奇而得徽數耦。分數耦而得徽數奇。此陰陽互藏其用之義也。其閒徽位亦有分處重見者。如二分爲七徽。四分六分亦在七徽之類。計均分之節六已得徽位十有一矣。而一徽十三徽兩位。又以折半取之。自臨苦至龍齲。則七徽爲半。自七徽至臨苦。七徽至龍齲。則四徽十徽爲半。此於均分數內已得半之位者。自四徽至臨苦。自十徽至龍齲。半之則爲一徽十三徽之位。皆從七徽三折半而得。合之六分所得之徽。而十有三徽之位定矣。夫定此


十有三徽也。所以爲五聲十二律取用之準。於五聲十二律。本無專屬。故聖人制琴之始。察聲之升降。審律之互應。設此十有三徽爲已備。苟使盡弦之長。汎其聲而求其數。又豈止十有三而已哉。至於汎之得聲。必在分折之交接處者。何也。管之聲發於竅。陽也。竅。陰也。陽出陰中。奮而成聲也。弦無竅。其分折處卽爲陰。故聲卽從此發焉。分折有定數。聲發自有定處也。天地閒聲始於震震之象爲雷。以一陽居二陰之下。而陽乃得奮其聲。汎之有聲。亦震象也。定數獨於汎聲見之。又何也。按木取聲。依律寸之長短爲所


按之上下。汎則統全弦而發聲者也。律寸之長短。由數以求聲。所以古今多異議。全弦之微汎。因聲而得數。實本造化之自然。特其分布參差。數遂隱而不顯。後世造琴定徽者。雖知循汎以求。而不得其數。則毫釐千里之謬。往往不免。徽旣無由而定。律又何自而正乎。



# 六分三折圖

內篇十之三





# 辨微第十一


琴之汎聲。居中七徽得一聲。其兩旁微之相對者。俱同聲。如一徽與十三徽。以至六徽與八徽。無不對同聲。但所謂相對同聲者。兩微同一聲耳。三徽六徽八徽十一徽。共微有四而同一聲。又何也。凡物之數。或因長短殊。或因多寡異。長短同。多寡同。則聲亦同。琴之微位。同此均分之數。其聲故無不同。三徽六徽八徽十一徽。同爲五分所得之微。所以微四而聲一也。若四分得微三。六分得微五。得微三。何以三者不同聲。得微五。何以五者不同聲。此其中因雜以分處。


重見之徵。同此均分之數。而重與不重異。故不同聲也。如四分之爲四徵七徵十徵。其七徵重見於二分六分之一中。故僅四十兩徵。同聲而已。六分之一爲二徵五徵七徵九徵十二徵。其七徵復重見於二分四分之一中。五九兩徵。又重見於三分之一中。故僅二徵十二徵。同聲。而五九兩徵重見之。分數並同。其聲亦自爲同而已。統十有三徵而汎之。徵四聲一者。惟五分所得之徵。無重見故也。至於三折半之一徵十三徵。實以八分而得。計八分當得徵位七。今僅有一徵四徵七徵十徵十三徵。而闕其兩。一在五六兩徵之間。一

在八九兩徵之間。俱爲虛位。試汎其聲。與分處重見之徵固不同。與一徵十三徵亦位四而聲一也。而定徵所以無取者。以其愈分則愈促。六分而外。音纖韻微。無所用焉。然仍取以爲三折半之徵者。蓋用聲之道。以三爲節。就按聲而論。自龍齟散聲起律。按七徵。是此律之半。按四徵。是此律之再半。三節之降殺已備。按一徵。雖仍是此律。本不取用。若考之汎聲。汎七徵起律。汎四徵十徵爲半律。汎一徵十三徵爲再半律。苟不備一與十三之兩徵。則汎聲之節。僅有其二矣。所以必用三折半以定此兩徵者。專爲汎聲而設。

也。不然。六分而外。既無所用。何由及此。卽欲用此。何以又虛其兩。若謂欲足十有三徽之數。何不虛其一與十三之兩位。而用夫五六八九徽閒之兩位哉。是知數定於天。器成於人。數自有常。器期取用。設此十有三徽。汎聲降殺之節備。則止於十有三徽可矣。此人定之數。非天定之數也。儻因徽數十有三。而爲牽合傳會之說。則有同聲之汎在。同聲之汎者。夫定之數也。循弦而考。可以得其證矣。

徵汎同聲圖








原微第十二


聲之發也。其用爲陽。陽數始於一。成於三。極於九。陽以陰爲體。陰數始於二。中於六。備於十二。體數不離乎用。用數不離乎體。陰陽相錯而化神。推而百千萬億無窮極焉。以琴微考之。全弦散聲。所謂一也。全者半之。所謂二也。自二分至六分而止者。六之半爲三。而所取折半者三。三之倍爲六。二其六。卽十二律之數也。微之協律。數惟用中而後清濁亦得其中。六分爲十二之中。三折又爲六之中。合三與六而爲九也。古聖人變通以定微。意在斯乎。若推其均分之數。六

分而外。七分八分以至九分十二分。度之有位。汎之有聲。除分處重見之微。分數同者聲亦同。七分同聲者六。八分同聲者四。九分同聲者六。俱汎弦可考。九者數之極也。計九分所得微位。凡二十有七。乃三其九也。自九分以往至十二分。十二者數之備也。計所得微位。凡四十有五。而合洛書五九之全數焉。自此以後再分之。雖有其位在。然閒不容指。聲已漸入於無。嗚呼至矣。

# 均分極數圖


內篇十二之二






# 均分備數圖

內篇十二之三





### 定弦第十三

琴用五聲。一弦當一律。則五弦足矣。加兩弦爲七弦。何也。蓋以還宮而論。雖用全用半有不同。而五律之數。仍必具長短之本體。故定弦之法。就所用五律之長短爲序。律長者居上。律短者居下。其散聲俱自一弦遞殺。至五弦與一弦音節相隔已遠。加六七兩弦。又從五弦遞殺。適爲一二弦之半律。上下得此以聯絡。然後清濁相應。不相闊絕。弦之所以有七也。樂記曰。舜作五弦之琴。以歌南風。此經文可據者。夫五弦而五聲備。上下欲取應聲。固可按徽而得。如一弦爲

黃鐘宮。二弦爲太簇商。按四弦十徽卽是黃鐘半律。按五弦十徽卽是太簇半律。猶夫六七兩弦耳。然惟加六七兩弦。則散聲清濁自得流轉而無待於按。卽按徽合調。用聲亦便。相傳其制自周始。是豈舜之智慮不及此。作者之謂聖。述者之謂明。作者創其法。述者因其法而引伸焉。以便於用聲。七弦猶五弦。非五聲之外有所加也。或謂周有七音之律。以加變宮變徵爲七弦者。固不識立調用聲之法。更有欲去兩弦以復五弦之舊。亦拘泥之見也。至有減五弦而爲三弦。二弦一弦者。有增七弦而爲九弦。三倍之爲二十



七弦者。又有倍五弦爲十弦。再倍之爲十五弦。再倍之爲二十弦者。立調用聲。法究歸一。然弦少則正半相應之聲不備。弦多則高下互用之聲太繁。終不若七弦爲得中也。再考七弦相生之法。下生者隔二弦。上生者隔一弦。如大弦爲宮。隔二下生四弦徵。徵隔一上生二弦商是也。若四弦徵本上生七弦爲商之半。四弦反隔二下生之者。正生半故也。其中又有不同。還宮立調。五弦遞相爲宮。卽遞相爲商角徵羽。共有五調。其當用半律者。則六七兩弦之半律。卽爲商角徵羽之正。下生者。仍隔二下生。上生者。仍隔一上

生。如三弦爲宮。隔二下生六弦徵。六弦徵隔一上生四弦商是也。且也。半律旣得四聲之正。全律卽爲四聲之倍。如三弦爲宮。以一弦爲徵。宮本下生徵。反隔一上生者。良由一弦之徵爲倍。其所當用。乃七徵之半律。則雖全律生全律。實爲全律生半律。故亦隔一上生也。要之七弦之間。上生下生。各隨還宮所取五聲而定。至於一生四。四生七。上中下三弦。俱隔二連貫相生。則五調皆同。此弦之所以止於七也。統五調考之。第一弦爲宮。宮生四弦徵。徵生七弦商。第二弦爲宮。則一弦爲羽。而前調七弦商。又生此調一弦羽。

羽生四弦角。角下又起七弦宮。上下兩弦皆前調生。後調至第五弦爲宮。則七弦爲角。而五調畢。五聲始於宮窮於角。五調之內。上中下三弦循環往復。凡三匝至七弦而窮。亦自然定數也。七弦之制。誠聖作明述而無遺憾者哉。

始宮窮角圖

一弦 二弦 三弦 四弦 五弦 六弦 七弦

官正 — 商正 — 角正 — 徵正 — 羽正 — 宮半 — 商半

羽倍 — 官正 — 商正 — 角正 — 徵正 — 羽正 — 宮半

徵倍 — 羽倍 — 官正 — 商正 — 角正 — 徵正 — 羽正

角倍 — 徵倍 — 羽倍 — 官正 — 商正 — 角正 — 徵正

商倍 — 角倍 — 徵倍 — 羽倍 — 官正 — 商正 — 角正

律位第十四

律管有長短。所以發聲分高下。弦則無長短。但有緩急耳。弦有緩急。猶管有長短。其律幾寸幾分。卽隨緩急以爲律之數。以犬弦爲黃鐘而論。黃鐘當得九寸。就弦之長。分作九段。準九寸之數。分釐毫絲。數皆用九。散聲爲黃鐘全律。其十一律自長漸短。依律寸分釐毫絲之數。按弦可定。至七徽之左得應鐘而畢。十二律。七徽當弦之半。起黃鐘半律。其十一律以半律之數。挨次定之。至四徽之左得應鐘而半律畢。四徽爲本律四之一。再起黃鐘。以再半律數定十一律。至

一徽之左得應鐘而再半律畢。以上按弦得正半三  
十六聲。已備三節之降殺。至一徽爲本律八之一。仍  
是黃鐘。特爲汎聲所取用而已。黃鐘弦律位既定。以  
下諸弦欲得何律。按其律位。下以散聲調而應之。上  
所按者何律。卽下所得者何律矣。京房嘗作准。准狀  
如瑟。十三弦。長丈。中央一弦。隱閒九尺。應黃鐘九寸  
之數。下有畫分。依畫設柱。以求諸弦之律。無不應者。  
與琴黃鐘一弦。定十二律正半之位相同。但此定一  
弦律位之板法。非定諸弦律位之活法也。愚所謂隨  
弦緩急以爲律之數者。如大弦分爲九寸。九徽乃六

寸之處。林鐘位也。按大弦九徽。得四弦爲林鐘。卽可就四弦分爲六寸。散聲爲林鐘本律。下有夷南無應四律。各依律數按之。至十一徽之右。得應鐘而正律畢。黃鐘之半。卽起十徽。其九徽又爲太簇之半。至七徽爲本律之半。四徽爲本律再半。而十一律之位。皆循數可求。故諸律之弦。俱當依數分之。以求他律之位。要之散聲爲本律。漸按而上。至應鐘而律最短。卽起黃鐘半律。遞折半而上。俱爲本律。至一徽爲本律八之一。其六七兩弦。散聲已屬半律。一徽爲本律十六之一。以次而降。隨弦易位。律同者。無不相應也。再


考諸弦所按之位。有律異位同者。如一弦黃鐘。三分下生。得林鐘於九徽。四弦林鐘。三分下生。得太簇亦於九徽。林鐘當上生而反下生者。全生半也。一弦黃鐘。自九徽林鐘三分上生。得太簇於十三徽之左。四弦林鐘。自九徽太簇三分上生。得南呂亦在十三徽之左。太簇當下生而反上生者。半生全也。自此上下相生。以迄仲呂。律則各異。位則俱同。以同是三分損益所得也。至仲呂三分所生。僅得變律。非復黃鐘之正。而律位參差。皆由此起。故諸弦律位。其同者皆正律相生所及。其不同者。仲呂以後。三分損益之位。已




非正律相生之位。則或上或下。不能盡一。然諸弦各有所得之律。隨本律之數。以求他律之位。自得諧合也。更考一弦之閒。雖十二律皆備。每調只取五聲。則所用惟五律。卽統還宮前後計之。凡一弦亦僅用九律。如黃鐘爲宮起。至夷則爲角止。五聲中不離姑洗一律。則姑洗弦所當用之律。惟本律及黃林太南應蕤大夷共九律是也。又如夷夾無仲四律弦。所用黃林太南。俱屬變律。一弦中位分正變亦用九律。獨黃鐘爲十一律之始。十一律有時爲宮。有時爲徵。商羽角。黃鐘止自爲宮。不復爲他律。徵商羽角。所以爲律。

之主。其弦止用五律。由是遞爲五聲。林鐘弦用六律。太簇弦用七律。南呂弦用八律。餘律弦則俱用九律也。至於黃變弦用八律。林變弦用七律。太變弦用六律。南變弦用五律。以宮至仲呂而終。角至南變而窮也。按弦者。隨律分寸以求較然可辨矣。

# 律位圖



此圖以黃鐘林鐘兩  
 弦爲例餘十律及四  
 變律俱可各隨寸分  
 之數就弦之長而如  
 數分之弦各有位位  
 各相應也



此自龍齏至七徽左  
 十二律位。自七徽至  
 四徽左。自四徽至一  
 徽左。各具十二律。以  
 半律再半律之。寸分  
 求之。其位自見。

弦律取用圖

黃正五律

林正六律

太正七律

南正八律

姑正九律

應正九律

蕤正九律

大正九律

黃

林

太

南

黃

林

太

南

姑

黃

林

太

南

姑

應

黃

林

太

南

姑

應

蕤

黃

林

太

南

姑

應

蕤

大

林

太

南

姑

應

蕤

大

夷

太

南

姑

應

蕤

大

夷

夾

南

姑

應

蕤

大

夷

夾

無

姑

應

蕤

大

夷

夾

無

仲

夷正九律	姑應蕤大夷夾無仲蕤
夾正九律	應蕤大夷夾無仲蕤
無正九律	蕤大夷夾無仲蕤
仲正九律	大夷夾無仲蕤
黃變八律	夷夾無仲蕤
林變七律	夾無仲蕤
太變六律	無仲蕤
南變五律	仲蕤

## 聲位第十五

五聲之數。宮八十一。徵五十四。商七十二。羽四十八。角六十四。是也。有數斯有位。律之位一定而不易。聲之位隨乎弦之爲某律。律之爲某聲。遞易其數。以爲位者也。黃鐘之均。律數與聲數同。聲位自與律位合。他律之均。律數雖不一。爲宮之弦。同得八十一分。爲徵。商。羽。角之弦。同得其應得之分。故每弦各具五聲之位。卽宮弦而論。八十一之宮。自龍齟散聲起。五十四之徵。在九徽。七十二之商。在十三徽外。四十八之羽。在八徽右。六十四之角。在十一徽右。夫角之位。居

宮徵商羽四聲之中。而又徵偏於右。何也。按宮一徵  
二商三羽四角五者。相生之次也。合宮一羽四而得  
五。宮八十一。羽四十八。共一百二十九。半之爲六十  
四。零一之半。角之六十四。當其半而不及其零一之  
半。合徵二商三而得五。徵五十四。商七十二。共一百  
二十六。半之爲六十三。角之六十四。當其半而過其  
一。於宮羽則不及其半者。一之半。於徵商則過其半  
者一。此角五居中。所以又偏於右。諸律爲宮之弦。五  
聲之位。皆如是也。若夫倍聲半聲。卽準五聲之本數。  
倍之半之以爲位。如世俗所謂正調。乃第三弦仲呂




爲宮得八十一分。宮聲旣在第三弦。則徵聲當在第一弦。徵數本少於宮數。因在第一弦。則必用倍。卽以八十一之數。三分而益其一。得一百有八分爲倍徵。而第一弦倍徵之十微。適當八十一分。故與第三弦仲呂宮相應。至於六弦正徵得五十四分。其十微當四十零一之半。又爲宮之半聲。諸弦各具五聲之數。其正倍半之互應。亦各有其位。與均內應得之律。無不通相合者也。是故岐律與聲而言。律數自爲律數。聲數自爲聲數。二者未嘗盡同。合律與聲而言。律位卽符聲位。聲位卽符律位。二者未始稍異。良由俱自



三分損益中來。故極長短清濁之不齊而同歸一轍也。且夫聲有倍律則無倍。蓋律依人聲而定。旣以最濁爲黃鐘。若最濁之倍。尚得成聲乎。惟聲數隨還宮而取。用半律爲正聲者。則以全律爲倍聲矣。抑徵商羽角有倍。宮則無倍。蓋徵商羽角皆自宮而生。五弦迭相爲宮。其值宮弦居下。商角徵羽之弦居上者。必用倍聲以應乎宮。此皆理數自然之合。就弦而分其位。不較然可見哉。

# 聲位圖

上截定宮弦五聲之位  
下截以仲呂爲宮明之

內篇十五之三





辨變第十六

十二律迭爲五聲。必以相生立法。自仲呂再生。實得八寸有奇。爲黃鐘變律。而林太南之三變律。次第生焉。變律位與正律位。各不相同也。然非以黃仲兩正律弦。如數分之。不可得而辨。試依正律吹管以定黃仲兩弦。考其當律之位。黃鐘弦之應仲呂。在十徽右。而不在十徽。仲呂弦之應黃鐘。在九徽左。而不在九徽。夫十徽者。能生本弦之律。仲呂惟不能生黃鐘。故仲呂不在十徽。九徽者。本弦散律所生。黃鐘惟不爲仲呂所生。故黃鐘不在九徽。依律分寸。以辨律位。確

然可據。特是五聲總以相生爲序。故仲呂爲宮。必再生黃變爲徵。今就弦分律以求其位。黃變卽在仲呂弦九徽。蓋散聲爲仲正。九徽左旣屬黃正。則九徽卽是黃變也。而黃變弦之仲正。又卽在十徽。蓋散聲爲黃變。則十徽右反屬仲變。而十徽卽是仲正也。論律者。未知以弦分律之法。但見生本弦之律在十徽。本弦所生律在九徽。遂謂仲呂復生黃鐘。千古疑義。徒滋論說。今以黃仲兩正律相較。其位自顯然也。抑更有法驗之。設兩琴。各張六弦。以應十二律。其上下生之位。俱在九徽。下生則正生正。上生則半生正。音俱

相應。先定黃鐘弦散聲。按九徽。生林鐘。按林鐘弦九徽。生太簇。次第相生。至仲呂弦。按九徽。獨不與黃鐘弦應。而應在九徽左。則仲呂九徽所生爲黃變。較九寸之正律稍短明矣。是故欲得黃變者。按仲呂弦九徽。取大弦散聲相應。卽得黃變。其長八寸七分八釐一毫六絲二忽。遂可如數分之以求林太南諸變律之律位。而諸變律之位。仍與正律之位同。如黃鐘九寸三分損一爲六寸。九徽乃六寸之位。得林鐘。黃變八寸七分八釐一毫六絲二忽。三分損一爲五寸八分二釐四毫一絲一忽三初。得林變。其位亦在九徽。

所以諸律之變。數則各與正律異。位則俱與正律同。以同是三分損益所生也。或曰信如此。變律卽是正律矣。不知又非也。物之長短。兩相形而始見。尺非長。寸非短。以尺形寸。則寸短。以寸形尺。則尺長。故變律之數。以正律相形。其位自判。如大弦正律黃鐘九徽。應四弦得林鐘。若大弦用變。四弦亦用變。則林鐘仍應在九徽。若大弦用變。四弦不用變。則大弦九徽。乃五寸八分二釐四毫一絲一忽三初之變林鐘。而正林鐘六寸。又應在九徽之左。弦之緩急既殊。數之長短遂異。變律六寸之位。已非正律六寸之位矣。且也。



大弦用變。四弦不用變。則四弦十徽。乃四寸五分正半之黃鐘。而變半黃鐘四寸三分九釐八絲一忽。又應在十徽之右矣。所謂兩相形而始見是也。他律用變。俱可類推。考還宮之法。有黃林同用變律。無黃用變。林用正者。此第借以明正變之位。異中有同。同中有異。俱當各隨本律。就弦之長。而如數分之。然後循數以求。正律之弦。其中亦有變位。變律之弦。其中亦有正位。按弦者。隨還宮所應得之律。以取之。正變之位。可於一弦中析其微矣。

## 汎律第十七

汎聲之律。起自中徽折半之位。左行右行。各有降殺。就黃鐘弦而論。七徽起黃鐘正律。四徽十徽爲黃鐘半律。一徽十三徽爲黃鐘再半律。皆於折半處得之。所以定徽之法。必至三折而止者。備汎聲三節之降殺也。其律位分寸。七徽之右。卽同按律。七徽之左。卽同七徽之右。諸弦汎律。皆自中徽起。左則十徽十三徽。右則四徽一徽。復得本律。而正半之位。以次遞降。隨律而異。如應鐘弦中徽起律。其律最短。正律止此一聲。以下卽是半律。亦與按律同。但諸律雖有其位。

不盡當徵。律之當徵者。惟本律及三分所生之律。如七徵起黃鐘。左至龍齟。三分損一。於九徵得林鐘。右至臨卮。三分損一。於十徵得黃鐘。左至龍齟。四徵黃鐘。右至臨卮。三分損一。於十二徵與二徵得林鐘是也。諸弦汎聲亦各隨本律得其三分所生之律。如太簇弦中徵起太簇。左行九徵十二徵得南呂。右行五徵二徵得南呂是也。凡此當徵而汎律同則聲應。律若因弦而改聲亦隨律而遷。徵之於十二律本無定屬也。統一全弦之汎計之。本律五所生之律四。共占徵位九。其聲之正半雖不同。不外此。

兩律而已。若三徵六徵八徵十一徵。徵四而聲同。既無全律半律之別。以律寸相較。亦罕當徵位。惟夷則弦。其位近黃。夾鐘弦。其位近林。無射弦。其位近太。仲呂弦。其位近南。而猶不免有毫忽之差。且以還宮五聲考之。夷夾無仲四律弦。所用黃林太南。俱屬變律。正律當徵。亦安用哉。然則定徵者。固奚取而設此。蓋此爲五分所得之徵。五爲土數。土無正位。分旺四季。故徵位有四。不與律位相合。亦不與律位相離。正天地顯仁藏用之妙。見端於此。雖無可取。而自不可闕者也。或謂律分上下生。何以汎聲生律。俱屬下生。良

由每弦各自爲宮。宮當下生。以爲本弦徵。其有短律爲宮。長律爲徵者。必轉上生爲下生。以全生半而後協宮徵清濁之序。所以還宮必用半聲。卽散律生按律。亦如是也。且夫汎聲者。聲之發於自然者也。汎之生律。俱在三分之位。故十二律相生。必以三分立法。此又其確證矣。

# 汎律全圖

三徵六徵八徵十一徵俱同  
聲無正半之分故汎聲不取

內篇十七之三

•	•	•	•	•
	正林	半黃	半林	輕黃
	正夷	半大	半夷	輕大
	正南	半太	半南	輕太
	正無	半夾	半無	輕夾
	正應	半姑	半應	輕姑
	輕黃	半仲	輕黃	輕仲
	半大	半蕤	輕大	輕蕤
	半太	半林	輕太	輕林
	半夾	半夷	輕夾	輕夷
	半姑	半南	輕姑	輕南
	半仲	半無	輕仲	輕無
	半蕤	半應	輕蕤	輕應

正黃

正大

正太

正夾

正姑

正仲

正麤

正林

正夷

正南

正無

正應

正林

正夷

正南

正無

正應

正黃

正大

正太

正夾

正姑

正仲

正麤

半黃

半大

半太

半夾

半姑

半仲

半麤

半林

半夷

半南

半無

半應

半林

半夷

半南

半無

半應

正黃

半大

半太

半夾

半姑

半仲

半麤

半黃

半大

半太

半夾

半姑

半仲

半麤

半林

半夷

半南

半無

半應

半應

原汎第十八

汎聲應律。旣自中徵起。左右折半分行。各得三分所生之律。而每折之中。往右者。又折而左。往左者。又折而右。同值三分所生之律。故二徵五徵九徵十二徵適當生律聚集之位。聲最正而音最和。三徵六徵八徵十一徵。在律位錯雜之界。汎雖得聲。罕中律也。就黃鐘弦右行之汎考之。中徵起黃鐘。自中徵至臨。卅三分損一。旣得五徵爲林鐘。其四徵起黃鐘。自四徵左至中徵。三分損一。亦得五徵爲林鐘。五六徵之間。有八分所得之虛位。與一徵同聲者。亦起黃鐘。自此




右至四徽。三分損一。仍得五徽爲林鐘。此中徽至臨  
卮。每折中同值所生之律也。又如四徽至臨卮。三分  
損一。既得二徽爲林鐘。其一徽起黃鐘。自一徽左至  
四徽。三分損一。亦得二徽爲林鐘。四徽與一徽折半  
處。亦起黃鐘。乃十六分之位。自此右至一徽。三分損  
一。亦仍得二徽爲林鐘。此四徽至臨卮。每折中同值  
所生之律也。若夫自一徽至臨卮。三分處亦得林鐘。  
折半處亦再起黃鐘。每折中仍同值所生之律。然音  
微韻促。有其理而無其用耳。蓋凡折半俱爲本律。其  
位總不越乎均分之數。特愈折愈短。故有用有不用。

焉。而隨其折半之長短。三分損益處。則同值所生之律。雖與本律之聲。有洪纖數倍者。而亦不遷其位。所謂陰陽之數。以三爲節。有定數。斯有定節。有定節。斯有定位。所以能生生不窮。至於三百六十律。而長短咸得其序也。

# 三分同節圖

內篇十八之三



● ● ● ● ● ● ●

林

黃

黃

林

黃

黃

林

黃

林

黃

黃

林

黃

黃

林

黃

# 立調第十九

弦有七。而六七兩弦爲一二弦半律。實卽五弦耳。五聲中最濁者宮。五弦中最濁者大弦。然則大弦卽是宮聲矣。而不盡然也。夫五聲立法。必在上下相生。濁者曰宮。非次於濁卽曰商也。還宮立調之法。五弦各自爲宮。而商角徵羽迭爲循環。其六七兩弦從乎一二弦以爲五聲。惟黃大太三律爲宮。則一弦宮。二弦商。三弦角。四弦徵。五弦羽。六七兩弦以宮半商半應一二。循弦大小而降。適當五聲清濁之序。其他律爲宮。自一至五。仍以全律長短配弦大小。其聲似乎遞

殺實則還宮之律有正有半。用聲之法有散有按。豈  
僅以散聲清濁定五聲哉。如二弦夾鐘爲宮。三弦商。  
四弦角。五弦徵。一弦七徽羽。六七兩弦以羽正宮半。  
應一二。姑洗爲宮。亦在二弦。其序同。三弦仲呂爲宮。  
四弦商。五弦角。一弦七徽徵。二弦七徽羽。六七兩弦  
以徵正羽。正應一二。蕤賓林鐘爲宮。亦在三弦。其序  
同。四弦夷則爲宮。五弦商。一弦七徽角。二弦七徽徵。  
三弦七徽羽。六七兩弦以角正徵。正應一二。南呂爲  
宮。亦在四弦。其序同。五弦無射爲宮。一弦七徽商。二  
弦七徽角。三弦七徽徵。四弦七徽羽。六七兩弦以商

正角正應一二。應鐘爲宮。亦在五弦。其序同。以上五弦各自爲宮。共得五調。除一弦爲宮外。俱有用半律者。必按七徽。方得五聲高下之序。其全律散聲爲倍聲。取爲相應之用而已。夫律有十二。調不過五。何也。良由聲止於五。當其用時。以五律次第之。總不外乎五弦。如一弦黃鐘爲宮。九徽應四弦夷則爲徵。林鐘爲徵。一弦大呂爲宮。九徽應四弦夷則爲徵。林鐘夷則之律不同。九徽應四弦爲徵則一也。故有此調同彼調。非高下聲同。高下之序損益等差同也。所以五調該十二宮也。再統七弦散聲考之。凡爲宮之弦。必以散聲爲

本宮之正。宮所以爲五聲主也。商角徵羽。有俱得散聲之正者。一弦爲宮。自俱得散聲。二弦三弦爲宮。循次而降。亦俱得散聲。以其當用半律。而有六七兩弦也。至四弦爲宮。則三弦羽正。以按而得。五弦爲宮。則三弦徵正。四弦羽正。俱以按而得。蓋宮爲君。商角爲臣民。三者分由天定。徵爲事。羽爲物。事物有待。人爲所以有散與按之不同。此固制作者之微意。實符乎五聲流轉之自然耳。



# 五調統十二宮圖

黃徵倍	大羽倍	黃羽倍	太宮正	大宮正	黃宮正	一弦
太羽變	姑宮正	夾宮正	姑商正	夾商正	太商正	二弦
仲宮正	蕤商正	仲商正	蕤角正	仲角正	姑角正	三弦
林商正	夷角正	林角正	南徵正	夷徵正	林徵正	四弦
南角正	應徵正	無徵正	應羽正	無羽正	南羽正	五弦
黃徵半變	大羽正	黃羽正	太宮半	大宮半	黃宮半	六弦
太羽半變	姑宮半	夾宮半	姑商半	夾商半	太商半	七弦

大正	商倍	黃變	商倍	大正	角倍	黃變	角倍	太正	徵倍	大正	徵倍
夾正	角倍	太變	角倍	姑正	徵倍	夾正	徵倍	姑正	羽倍	夾正	羽倍
蕤正	徵倍	仲正	徵倍	蕤正	羽倍	仲正	羽倍	林正	宮正	蕤正	宮正
夷正	羽倍	林變	羽倍	南正	宮正	夷正	宮正	南正	商正	夷正	商正
應正	宮正	無正	宮正	應正	商正	無正	商正	應正	角正	無正	角正
大半	商正	黃半變	商正	大半	角正	黃半變	角正	大半	徵正	大半	徵正
夾半	角正	太半變	角正	姑半	徵正	夾半	徵正	姑半	羽正	夾半	羽正

## 分調第二十

改弦換調。法止於五。能該十二宮爲十二調。而每調中各有五聲。又分五調爲六十調。卽曲譜中所稱某音某音是也。分調之法。先定宮弦。然後辨其起處結處所用何弦。起結用宮弦爲宮調。起結用商弦爲商調。一曲以一聲爲起結。所謂調也。故有兩曲同用一弦爲起結。在此曲曰宮調。在彼曲曰商調。良由爲宮之弦各異。所以徵商羽角之弦亦不同。如一弦爲宮者。起結在一六弦曰宮調。二七弦曰商調。三弦曰角調。四弦曰徵調。五弦曰羽調。二弦爲宮者。起結在二

七弦曰宮調。三弦曰商調。四弦曰角調。五弦曰徵調。  
一六弦曰羽調。其他弦爲宮。弦旣各異。音亦互遷。可  
以類推。然此特舉用散弦而言。若每弦中五聲俱備。  
按宮弦徵爲起結。卽是徵調。按徵弦宮爲起結。卽是  
宮調。又豈拘拘散弦之五聲哉。合而計之。宮商角得  
三十六調。老陽數也。徵羽得二十四調。老陰數也。調  
備陰陽之數。所以止於六十也。楊子雲曰。聲生於日。  
律生於辰。日卽十干。十干乃五行之迭運。故爲五聲。  
辰卽十二支。十二支乃陰陽之對待。故爲六律。皆由  
天五地六之中數錯綜而生。干支相加。自有六甲。辰

有五子。爲六十日。其三十二爲陽。二十四爲陰。律呂有五聲六律。爲六十調。亦三十六爲陽。二十四爲陰。若合符節也。至有加變宮變徵爲八十四調。琴調中無可取用。蔡氏以爲宮不成宮。徵不成徵。不可爲調。不信然哉。

六十調圖

[illegible]

夷則	蕤賓	蕤賓	蕤賓	蕤賓	姑洗	姑洗	姑洗	姑洗	姑洗
調商	調羽	調徵	調角	調商	調宮	調羽	調徵	調角	調商
大夾	大夾	大夾	大夾	大夾	大姑	大姑	大姑	大姑	大姑
仲夷	仲夷	仲夷	仲夷	仲夷	蕤夷	蕤夷	蕤夷	蕤夷	蕤夷
無牟	無牟	無牟	無牟	無牟	應牟	應牟	應牟	應牟	應牟
平夾	平夾	平夾	平夾	平夾	平姑	平姑	平姑	平姑	平姑

[illegible]

夷則調角蕤夾仲夷無蕤半變率

夷則調徵蕤夾仲夷無蕤半變率

夷則調羽蕤夾仲夷無蕤半變率

無射調宮蕤夾仲蕤無蕤半變率

無射調商蕤夾仲蕤無蕤半變率

無射調角蕤夾仲蕤無蕤半變率

無射調徵蕤夾仲蕤無蕤半變率

無射調羽蕤夾仲蕤無蕤半變率

南呂調角大姑蕤南應半變率

南呂調徵大姑蕤南應半變率

南呂調羽大姑蕤南應半變率

應鐘調宮大夾蕤夷應半變率

應鐘調商大夾蕤夷應半變率

應鐘調角大夾蕤夷應半變率

應鐘調徵大夾蕤夷應半變率

應鐘調羽大夾蕤夷應半變率



調弦第二十一

調弦之法。先吹律管。當何弦爲宮。吹律定宮。弦散聲。然後循次按徵。生徵。商羽角諸弦。諸弦正半之位。互能相應。而調弦者。恒取便。九徵十徵。及十一徵。右調之。何也。蓋十徵者。四分所得之徵。律之上生者。三分益一爲四。十徵當四分之三。適合上生之數。能生本弦散律。謂之母律。而律有本當下生。亦以十徵上生而得者。半生正也。如太簇弦於十徵得林正。林固益一生太者。林鐘弦於十徵得黃半。黃本下生林。以半生正。亦益一上生也。十徵上生散律。諸弦皆然。惟黃

鐘弦之仲呂位。在十徽右。因仲呂不能再生黃鐘。所  
生者黃變。故弦用黃變。則仲呂正律之位。仍在十徽。  
再總諸弦十徽考之。其徵商羽角之弦。所用十徽上  
生下。俱隔一。下生上。俱隔二。獨宮弦十徽。不取爲用。  
以其爲生宮之母律。在宮前一位。於五聲不相屬耳。  
如三弦仲呂爲宮。而無射是宮前一位。乃三弦之十  
徽也。九徽者。本弦散律所生。謂之子律。在三分損一  
之位。適合下生之數。其有當上生者。轉而下生。爲正  
生半。亦在九徽。如太簇弦於九徽得南正。太固損一  
生南者。林鐘弦於九徽得太半。林本上生太。以正生




半亦損一下生也。九徽爲散律所生。諸弦皆然。惟仲呂弦之黃鐘位。在九徽左。因不能再生黃鐘。所生者黃變。故黃變卽在九徽。弦律有正變。則律位有參差。然正生變。變應正。無不適當。九十兩徽也。其五徽爲七徽所生。二徽爲四徽所生。亦如之。若角弦九徽。及五徽二徽。乃角所生。爲變宮。亦不屬五聲。故調弦無取焉。至於十一徽。右爲宮。弦角聲之位。宮弦與角弦相應。必按此求之。如散弦爲宮聲。按九徽應徵聲。按徽外應商聲。按八徽右應羽聲。按十一徽右則應角聲。五調爲宮之弦各不同。而角之應宮。皆按宮弦十

一徵右也。蓋以五聲大不踰宮。細不踰羽。而角位其中。如三弦仲呂爲宮。龍齟散聲起宮爲最大。太簇變半羽。在八徵右爲最細。南呂變律角。居仲正太變兩律之中。而徵偏於右。則在十一徵之右。所以亦不當徵正位。先儒嘗言正調第三弦獨退一徵於十一徵與五弦應。古今無能明其義者。蓋悞以第一弦黃變爲宮。未嘗就第三弦仲呂審其五聲之位也。世俗獨以仲呂宮爲正調。又何也。仲呂生黃變。乃十二律循環相接之樞紐。而一二三四五弦其第三弦又爲上下相接之樞紐。故惟三弦爲仲呂宮。再生黃變爲徵。


則十二律得其旋轉之和聲。且合七弦考其上下生之序。三弦仲呂宮。上生一弦徵。徵下生四弦商。商上生二弦羽。羽下生五弦角。而三弦之宮。又下生六弦徵。徵上生四弦商。商下生七弦羽。羽上生五弦角。凡一上生。一下生。七弦之閒。可以互爲流轉。他調則不能也。林鐘蕤賓爲宮。亦在三弦。相生流轉亦同。又當吹律正宮聲。則調同而聲自別。律之高下。豈得混而一之哉。

相生流轉圖



宮爲弦一 宮爲弦三 宮爲弦四



宮爲弦二



宮爲弦五



譜辭第二十二

書曰。詩言志。歌永言。聲依永。律和聲。永者。長言之謂也。聲。謂五聲。聲依乎永。則歌聲與樂聲相併而爲一明矣。儀禮云。笙入三終。乃工歌鹿鳴之三。笙吹南陔之三。歌閒魚麗之三。笙閒崇邱之三。工之歌與笙之吹。又相離不相併。惟不相併。而以相錯應節。此所謂大合樂之道。鄭夾漈輒云。古者絲竹有譜無辭。所以六笙但存其名。劉須溪亦云。笙詩如今之琴譜。本無其辭。竊笑束皙補亡之無謂。愚謂樂聲之高下。原本於人聲之抑揚。人有是聲。律無不能應之。律有是聲。

人聲無不能諧之。故其始也。必先有其辭。而以律譜之。其繼也。既有其譜。亦可以辭協之。至六詩之譜久已束皙所補。特憑空撰辭。不與譜合耳。若謂本無其辭。則五聲之高下曲折。何所依據。成其爲一章一句乎。且也。以六詩爲笙詩。謂之曰詩。知非徒宮商徵羽之纏綿矣。故琴曲所傳。其有譜無文者。亦僅傳譜不傳辭。律之聲。必以人之聲爲主。此定理也。以律譜辭之法奈何。有一律譜一字者。亦有兩律三律譜一字。所謂襯聲也。且非必某律定譜某字。調有不同。不可泥也。而一調中五聲既定。某聲必譜某字。又不可移。



易特用聲之法。或全或半。或四分之一。同是此聲。亦無專屬耳。大抵平聲字有清有濁。上聲字濁。去聲字清。入聲字亦兼清濁。而清濁之中。又分清濁。鄭夾漈所謂四聲爲經。七音爲緯。當更於切韻法細求之。而非一言所能盡。至於陰平綽注等法。正所以使其聲之依永也。隨字置空。亦不可盡廢。然古今遞降。法同用異。如俗譜之繁音促節。法則猶是。已非大雅之遺。眞景元所謂時俗之變。聲音從之。雖琴亦鄭衛矣。或有從而矯之曰。古者止用散聲。不用按徽。又曰。止按七徽。餘徽不用。又曰。止按九徽十徽。取其上下互生。餘

微亦不用。信如斯言。所以設此十有三微者。將僅爲文飾之具而已。此必無之理也。或又曰。用按聲亦不用吟猱綽注等法。果爾。則又何異於箏琶耶。總之古樂已亡。無可取證。其可信者。惟此五聲十二律之相生。今古無殊法也。苟張琴而撫。聲必中律。律必合調。而且章句明晰。出以舒徐容與。歸於溫厚和平。則所以理性情而通神明者。卽在是。孰謂太古之遺聲。不可復聞於今日乎。

琴學內篇終